

-UPRAVNI ODBOR-

Broj: _____

Datum: _____

Na osnovu člana 44., 61., 62. i 63. Zakona o ustanovama socijalne zaštite Federacije Bosne i Hercegovine ("Službene novine Federacije BiH", broj: 64/22) i člana 7. Uredbe o postupku dokazivanja ispunjenosti opštih i posebnih uslova za imenovanje u tijela uprave, nadzora i rukovodstva u Federalnim ustanovama socijalne zaštite ("Službene novine Federacije BiH", broj: 95/22), te odluke Upravnog odbora o raspisivanju javnog konkursa za imenovanje direktora Ustanove za socijalno zbrinjavanje, odgoj i obrazovanje-Sarajevo broj 05-1571-4/24 od 24.09.2024. godine, Upravni odbor Ustanove za socijalno zbrinjavanje, odgoj i obrazovanje-Sarajevo raspisuje:

**JAVNI KONKURS
za imenovanje direktora
Ustanove za socijalno zbrinjavanje, odgoj i obrazovanje-Sarajevo**

I- NADLEŽNOSTI DIREKTORA

U obavljanju poslova u okviru djelatnosti utvrđene Zakonom i ovim Pravilima, direktor:

- a) organizuje i rukovodi radom Ustanove;
- b) zastupa i predstavlja Ustanovu prema trećim osobama;
- c) u ime i za račun Ustanove samostalno sklapa ugovore s izuzetkom ugovora za koje je neophodna odluka Upravnog odbora i
- d) vrši druge radnje u pravnom prometu u okviru djelatnosti upisane u sudski registar.

Direktor Ustanove ima sljedeće nadležnosti:

- a) predlaže Upravnom odboru mjere za učinkovito i zakonito obavljanje djelatnosti radi kojih je Ustanova osnovana;
- b) predlaže Upravnom odboru unutrašnju organizaciju i sistematizaciju, osnove planova rada i razvoja i druge opšte akte;
- c) izvršava odluke Upravnog odbora;
- d) odlučuje o pravima, obvezama i odgovornostima uposlenika iz radnog odnosa;
- e) podnosi Upravnom odboru izvještaj o finansijskom poslovanju i
- f) vrši druge poslove u skladu sa zakonom i pravilima Ustanove.

II - USLOVI ZA IZBOR

Kandidat za direktora Ustanove za socijalno zbrinjavanje, odgoj i obrazovanje-Sarajevo mora da ispunjava sljedeće opšte i posebne uslove:

1. Opšti uslovi

- a) da je državljanin Bosne i Hercegovine
- b) da je stariji od 18 godina

- c) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana prijavljivanja na neku od navedenih pozicija
- d) da se na njega ne odnosi član IX.1. Ustava Bosne i Hercegovine;

2. Posebni uslovi:

- a) posjedovati visoku stručnu spremu – VII stepen stručne spreme, odnosno visoko obrazovanje prvog ciklusa (koji se vrednuje s 240 ECTS bodova) ili drugog ili trećeg ciklusa Bolonjskog sistema studiranja iz oblasti društvenih ili medicinskih nauka;
- b) posjedovati radni staž u struci od najmanje pet godina nakon sticanja visoke stručne spreme od čega minimalno tri godine na rukovodećim pozicijama;
- c) poznavati propise iz oblasti socijalne i dječje zaštite s posebnim fokusom na djelatnost ustanova socijalne zaštite i način njihovog funkcionisanja;
- d) poznavati nadležnost, sadržaj i način rada direktora u federalnim ustanovama socijalne zaštite.

III- PODNOŠENJE PRIJAVE I POTREBNA DOKUMENTACIJA

1. Dokumentacija za dokazivanje ispunjavanja opštih i posebnih uslova konkursa

Kandidati za imenovanje na poziciju direktora su dužni dostaviti sljedeću dokumentaciju (original ili ovjerenu kopiju):

- popunjen i svojeručno potpisan prijavni obrazac za imenovanje na poziciju direktora Ustanove za socijalno zbrinjavanje, odgoj i obrazovanje-Sarajevo (Isti se nalazi u prilogu ovog javnog konkursa)
- uvjerenje o državljanstvu
- izvod iz matične knjige rođenih
- izjavu o ispunjavanju opštih uslova utvrđenih u glavi II tačka 1.c) i 1.d) ovog javnog konkursa a koja je sastavni dio prijavnog obrasca iz priloga ovog javnog konkursa;
- univerzitetska diploma kojom se dokazuje posjedovanje visoke stručne spreme – VII stepen stručne spreme, odnosno visoko obrazovanje prvog ciklusa (koji se vrednuje s 240 ECTS bodova) ili drugog ili trećeg ciklusa Bolonjskog sistema studiranja iz oblasti društvenih ili medicinskih nauka. **Ukoliko je kandidat traženu stručnu spremu stekao u inostranstvu, tada je, uz univerzitetsku diploma neophodno priložiti i document nadležne obrazovne institucije u BIH o nostrifikaciji, odnosno ekvivalenciji te obrazovne isprave)**
- potvrda ili uvjerenje poslodavca ili poslodavaca kod kojih je kandidat radio ili radi a koje moraju biti precizne i detaljne te sadržavati sve bitne elemente koji nesumnjivo ukazuju na traženo radno iskustvo;

2. Zapreke za imenovanje

Na poziciju direktora Ustanove za za socijalno zbrinjavanje, odgoj i obrazovanje-Sarajevo ne može biti imenovano lice:

- a) koje ne posjeduje poslovnu i zdravstvenu sposobnost;
- b) koje je, prema odredbama krivičnog zakonodavstva Bosne i Hercegovine, osuđivano za sljedeća krivična djela koja su nespojiva s obavljanjem dužnosti direktora javne ustanove: krivična djela protiv slobode i prava čovjeka i građanina, krivična djela protiv integriteta Bosne i Hercegovine, krivična djela protiv čovječnosti i vrijednosti zaštićenih međunarodnim pravom, krivična djela protiv privrede i jedinstva tržišta te krivična djela iz oblasti carina, krivična djela korupcije i krivična djela protiv službene i druge odgovorne funkcije, krivična djela protiv pravosuđa, krivična djela povrede autorskih prava, krivična djela protiv oružanih snaga Bosne i Hercegovine, te za djela dogovora, pripremanja, udruživanja i organizovanog kriminala;
- c) koje je, prema odredbama krivičnog zakonodavstva Federacije, osuđivano za sljedeća krivična djela koja su nespojiva s obavljanjem dužnosti direktora javne ustanove: krivična djela protiv ustavnog poretka Federacije, krivična djela protiv života i tijela, krivična djela protiv slobode i prava čovjeka i

građanina, krivična djela terorizma, krivična djela protiv spolne slobode i morala, krivična djela protiv braka, porodice i mladeži, krivična djela protiv zdravlja ljudi, krivična djela protiv privrede, poslovanja i bezbjednosti platnog prometa, krivična djela iz oblasti poreza, krivična djela protiv radnih odnosa, krivična djela protiv imovine, krivična djela protiv opšte bezbjednosti ljudi i imovine, krivična djela protiv pravosuđa, krivična djela protiv javnog reda i pravnog prometa, krivična djela podmićivanja i krivična djela protiv službene i druge odgovorne dužnosti;

- d) koje je, prema propisima o ravnopravnosti spolova, osuđivano za krivično djelo nasilja, uznemiravanja ili seksualnog uznemiravanja kojim je ugrozilo mir, duševno zdravlje i fizički integritet žrtve;
- e) kojemu je, prema propisima o zaštiti od porodičnog nasilja, izrečena mjera porodično-pravne zaštite ili zaštitna mjera zbog porodičnog nasilja;
- f) koje je zaposlenik institucije ili je član tijela koje vrši bilo koji oblik nadzora nad radom federalnih ustanova socijalne zaštite;
- g) koje se, prema propisima o sukobu interesa, smatra izabranim stranačkim zvaničnikom, nositeljem izvršnih funkcija ili savjetnikom;
- h) koje je već imenovano na poziciju člana u upravnom ili nadzornom odboru ustanove ili zavoda, odnosno privrednog društva s većinskim državnim kapitalom;
- i) koje ima privatni finansijski interes u federalnoj ustanovi socijalne zaštite u kojoj se vrši imenovanje na poziciju.

3. Dokumentacija kojom se dokazuje nepostojanje zapreka

- uvjerenje ili potvrda nadležne zdravstvene institucije kojom se nesumnjivo utvrđuje zdravstvena sposobnost;
- uvjerenje ili potvrda nadležnog organa unutrašnjih poslova kojim se dokazuje neosuđivanost za krivična djela iz tačke 2. b), c) i d);
- uvjerenje ili potvrda nadležne pravosudne institucije o neizricanju mjere porodično-pravne zaštite ili zaštitna mjera zbog porodičnog nasilja;
- svojeručno potpisana i ovjerena od strane nadležnog općinskog odnosno gradskog organa uprave izjava kojom kandidat potvrđuje nepostojanje zapreka utvrđenih u tački 2.f), g), h) i i);

IV-DOSTAVLJANJE PRIJAVA I TRAŽENIH DOKAZA

Javni konkurs će biti otvoren 15 (petnaest) dana od dana posljednje objave integralnog teksta javnog konkursa. Prijave na javni konkurs za imenovanje direktora Ustanove za socijalno zbrinjavanje, odgoj i obrazovanje-Sarajevo zajedno sa traženom dokumentacijom se dostavljaju na protokol Ustanove ili preporučenom poštom u zatvorenoj koverti na adresu:

**Ustanova za socijalno zbrinjavanje, odgoj i obrazovanje-Sarajevo
ul. Humska 81,
71000 Sarajevo
sa naznakom "Prijava na javni konkurs za izbor direktora - Ne otvaraj".**

V- NAPOMENA

Kandidati koji budu ispunjavali formalno-pravne uslove prijave i koji su zadovoljili opšte i posebne uslove za imenovanje na poziciju direktora bit će pozvani na intervju. Kroz intervju sa kandidatima će se utvrđivati ispunjenost posebnih uslova javnog konkursa u pogledu poznavanja propisa iz oblasti socijalne i dječje zaštite s posebnim fokusom na djelatnost ustanova socijalne zaštite i način njihovog funkcionisanja, kao i poznavanja nadležnosti, sadržaja i načina rada direktora u federalnim ustanovama socijalne zaštite.

O vremenu i mjestu provođenja intervjua kvalifikovani kandidati će pisanim putem biti obavješteni. Kandidat koji se iz bilo kojeg razloga ne odazove na zakazani intervju i o tome blagovremeno ne informiše komisiju, gubi status kvalifikovanog kandidata.

Svi kandidati za imenovanje na poziciju direktora Ustanove za socijalno zbrinjavanje, odgoj i obrazovanje-Sarajevo moraju ispunjavati uslove javnog konkursa s danom njegove objave nezavisno od toga kada su dokazi zatraženi ili dostavljeni a neblagovremene, nepotpune i neuredne prijave kandidata, neće se uzeti u razmatranje. Ukoliko kandidat ne dostavi svu traženu dokumentaciju ili ne postupi po zahtjevima iz javnog konkursa biće isključen iz konkursne procedure bez mogućnosti ponavljanja propuštene radnje.

**PREDSJEDNIK
UPRAVNOG ODBORA**

**Mr.Jasmin Gačević,
magistar menadžmenta**